

T 3035.31 / 145.83 (10)

Harvard College Library/Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17						
Lab D50 2'	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68



武夷山志卷之二十三

武夷董天工典齋編集男勣校刊



五言律詩

懷武夷山僧

唐僧貞休

萬疊仙山裏無緣見有緣紅心蕉繞屋白額虎同禪古木苔封  
菌深崖乳雜泉終期還此去世事祇如然

懷武夷紅石子

思紅石子獨自住山椒窗外猩匕語爐中婉匕嬌乳香諸洞滴  
常地秀衆峯朝曾見奇人說烟霞想太遙

武夷山

安楊億



聖岳標真牒孤峯人紫氣藤蘿暗仙穴猿鳥駭人群直栢千年  
在懸流萬壑分漢壇秋蘚駁曾祀武夷君

問明仰遊武夷日

劉子輦

兀兀聽涼雨開門雪漲川獨行楓葉底秋興鴈行邊老去無多  
事閱知有勝緣何時縱仙舸我亦願周旋

泛舟武夷

林希逸

傍晚拏舟入身却在畫圖石平疑削玉湍急見跳珠仙跡迴環  
是峯名轉側殊竹間人指點俱識有先儒

遊武夷

孟晉

昔聞仙子宅今幸過琳宮溪曲三三水山環六六峯翠雲飛送  
雨白鶴舞凌風好景遊歸悅簫聲縹緲中

武夷郡事

林天瑞

長卿非慢世陶令已辭官解組投蓮社逢人戴鶻冠青天不可  
問日髮若為看偶遇壺邱子皈心就大丹

武夷

趙時栗

千古武夷山來尋九轉丹雲封屏章石月洗步虛壇白玉何勞  
煮丹靈自可餐未窮溪九曲賴有畫圖看

五曲

元徐和

平林山雨歇天柱眼中明峯合疑無路溪流忽有聲石門秋月  
沿鐵笛野霜清松竹何人問蒼蒼萬古情

雪後舟泊武夷

明藍仁

泊舟青嶂下回首翠微間殘雪孤村樹歸雲何處山石門無犬



伏松徑有僧還書劍空漂泊山林未得閑

題九曲櫂歌圖

韓伯章

山境田來異溪流九曲清水從天上落舟向石闕行瀟灑一時  
興風流三子名翻思舊遊處彷彿濯歌聲

武夷紀遊

黃嘉賓

真境非人世平生夢見之杖藜來獨晚冒雨看尤奇九曲將窮  
處一春欲盡時風塵吹客袂臨發又遲也

峽口回望幔亭諸峯

劉侃

春陰翻碧嶂花氣繞芳洲却望虹橋上蒼蒼雲太稠天蟠九曲  
水山矗五城樓何事秦皇使遙從海外求

自楚宦遊歸泛舟尋九曲之勝

林

尚繞三湘夢還爲九曲遊水從天上轉舟向鏡中浮春信溪梅  
報晴光野霧收群仙知不遠鸞鶴郎峯頭

結山盟

陳省

早步雲隨屐宵眠月近床峯奇如鬼削巖古有舟藏野竹生蓬  
徑溪光上草堂閑來何所事薜荔剪衣裳

新霽入武夷

蘇茂相

長途淹積雨爽氣忽今朝勝具吾何賦山靈或見招雲鬢臨寶  
鏡芝蓋下虹橋親授長生藥森森白玉苗

武夷山

鄧元岳

東南形勝地俯仰見茲山窟宅奇如此仙靈杳不還草荒丹竈  
冷雲護幔亭閑便欲凌風去虹橋不可攀



三人武夷紀遊二首

史繼浩

駐馬尋幽約山行一徑斜如何臨客路便自入仙家羽士供來  
酒樵兒採得茶庭前雙桂樹茲已見二花  
經壑雲仍住循欄薜更生童應看客慣鳥似向人鳴瑞靄猶丹  
竈明霞自赤城便圖高枕臥隨意聽鸞笙

春暮遊武夷三首

曹學佺

小嶺登偏疾危橋度信遲水耕欲動石亭挂寄生枝谷口雲如  
故泉源竹屢移風光應上代但說是秦時  
歸舟半夜月寂寂萬年宮兩岸欲深合前山如不通寒星印沙  
白林火雜花紅笑殺幔亭宴人間曲易終  
峭壁不可越登攀費折旋孰知接笋路即在隱屏前石上松梯

疊峯頭木確懸天遊已自樂何必慕飛仙

藍智

武夷山居

嘉遯依巖穴清齋飯蕨薇花源隨水入茅屋共雲歸夜鼎芙蓉  
水秋山薜荔衣沙頭雙白鳥知爾解忘機

宋應昌

遊武夷二首

一入神仙境幽竒誰復過潺湲七峰王液曲曲隱雲窩駐若來蓬  
島槎疑出絳河桃源今在此何為武陵多  
仙人不可見今且問仙遊水繞層巒合山迴碧玉流丹爐空古  
跡架壑嘆虛舟自愧生涯薄參同何處求

丙夜丹沈九曲五首

衷宗周

不盡前宵意今宵復進舟仙凡來去別溪月古今流倚櫂生寒



靄長歌起宿鷗莫論夷與險拚到九溪頭

水迴山便合一曲一乾坤玉女雲鬟濕仙舟夜壑存波心皆印

月峽口總爲門噉蔗同遊侶尋常安足論

溪景看無極山花總可憐天香風外度丹嶂霧中絲漁火沈波

小蟾光貌扇偏寥七塵事斷如在混茫前

萬竹孤亭際寒燈未掩門天遊明日事水宿此中村沙白偏苗

月灘洪不受詎群真何許集我是舊曾孫

落落星辰黹霞光百道流犬雞田舍曙原隰稻花秋未遂棲雲

願聊爲獵勝游桃源存古洞天意總悠七

遊武夷山三首

錢行道

鸞鷲天中起芙蓉掌上開真人駮鶴降神女獻花來簾挂晴空

雨濤轟臘月雷不須過弱水躡屩訪蓬萊

蘚滑磴難梯嵐深路易迷嶙峋千尺笋屈曲九迴溪瑤草眠青

犢珠林唱碧雞仙家無日暮幾日自東西

斜陽宜晚對飛翠滿崢嶸好鳥渾相識奇花莫辨名卧遊曾入

夢延覽重含情未卽完婚嫁猶然愧向平

崇邑郊外望武夷

曹惟才

武夷好山水幾載憂魂間吏事纔乘暇仙緣恰未慳溪光環漾  
壁峯靄幻成爛未到棲真處塵心已半刪

以武夷紀游諸作寄

裏穉生

君學貫邱索堪作諸史臣名山漢篆古妙墨晉人新石笈誰司  
鑰雲航此問津沾七訂合社長醉武陵春



遊武夷

六六武夷峯峯頭翠萬重臺虛丹竈冷幔捲白雲封鐵笛橫吹  
月天風度遠鐘儻峯洞空子携手跨飛龍

勞堪

遊九曲

朱若玉

曲曲躡仙踪溪環紫氣重空壇懷控鶴古洞欲投龍瑤草吹輕  
袂靈芝生短筇亭上倚天末三十六芙蓉

遊五曲

林堯俞

隱屏山下路精舍白雲窩石古留哲薛門閉長薜蘿無人吹鐵  
笛有客唱漁歌孤棹乘流去雲深柰別何

武夷二首

章袞

白浪翻丹壁清風吹翠條幽人頰漱玉羽客善吹簫王子來何

暮張仙去已遙鹿門還落落孤負紫芝苗

落日千岩靜孤峯半壁浮鳥鳴雙嶂合龍蟄一潭幽桂館經年  
爽蓬萊此日游王維如可作泚筆共仙舟

重遊武夷寄贈

林嫌

勝槩舊登臨仙源復此尋未能謝塵網聊且散幽襟九曲潭春  
綠千巖古木深何由借茂宰山水入鳴琴

遊武夷

林煙

幾度覓仙踪幽人不可逢壇空餘漢祀松古類秦封九曲滌洞  
大千崖紫翠重何時桔茅屋擬住最高峯

重遊武夷

沈明臣

九曲六移舟青山且卧遊嶂霞高可拾水月近誰收幽意吾真



得神仙不易求徒憐函有蛻毛竹使人愁

武夷紀遊

閔壽卿

芳隣接瓊瑄高傍幔亭西人向中林隱舟從曲澗迷塵空潛野馬谷曉報天鷄分付桃花瓣無令出此溪

武夷

楚和叔

九曲溪山勝三春花木新閑操詩畫舫共載管絃人嘉賓陳朱橘芳鮮膾紫鱗宴遊不覺遠斜日挂嶙峋

遊武夷

胡宗明

萍梗偕仙侶乾坤此壯遊奇峯丹耀日曲水碧澄秋洞古雲長濕林深靄不收權歌聲在耳靜聽意悠七

重泛武夷遂窮九曲之勝

張千壘

洞庭猶未隔往返此間行雲浮常碧波光淺亦清諸峯皆異態一石或雙各倚棹逢松籟蕭蕭鼓吹聲

武夷郎事

藍湖

丹碧神工布乾坤此武夷虹橋事已杳精舍澤猶垂未極觀瀾興何妨帶月遲歸來衣染露此後更勞思

送友人還武夷

黃景昉

裝束天然異囊中有嘜雲客行固問字吾友雅談文未冷消團扇何書寫練裙歸舟能爲我遣訊武夷君

游武夷

張楸

元島開真境丹邱迴世塵尺疑靈洞口別有避秦人雲氣漸生晝花源不記春虹橋仍許度朱紱未淹身



寒夜入武夷止宿道家

崔崧

仙犬護幽磻林扁誰爲開奇峯高士館寒夜故人杯竹雪冷猿  
夢松濤墮鳥毳可能呼月出長嘯共登臺

石鼓村渡溪入武夷

曹惟才

佳山夙好渡口便忘餐奇態誰家畫清音何處彈石房藏秘  
錄雲買鍊直丹搜索千秋事寧將遊治看

長安憶武夷二首

國朝鄭重

不少抽簪意猶遲蹠屐緣關山雖縹緲巖壑正纏綿自信心如  
水誰能骨似仙虹橋如未斷縮地許相聯

紫陽名教地精舍跡猶新老我將樂同誰共問津至今崇正學  
懷古湖前因道義文章事綢繆有碩人南豐湯君與予夙契

有期我南旋鼓吹武夷之說故云

遊武夷二首

龐塏

岸轉山門近樓臺結構雄欲窮九曲水先到萬年宮雲蹟得曾  
有風光迥不同題墻憐故友嘆息意何窮望有潘稼堂題詩  
漁艇朝初上藍輿亦自隨登峯強老力絕壑暢游思到眼皆佳  
境題詩少妙詞磨崖畱姓氏聊與後來知

遊武夷宿萬年宮

陳銓

回晚忘歸處停橈古觀前危樓啣暮景宿鳥喚晴烟樹翳山門  
迴巖高野殿偏半床雲霧裏卧對一燈懸

武夷偶詠

金蘭友

讀史披秦漢茲山歷幾年老彭述古後司馬壯遊先崩劣疑無



地槎材尚有瓶昔人難下筆何處問真詮

送草堂隱武夷辛卯

王梓

先生真大隱脫屣視浮名堪羨摩雲鶴深慚出谷鶯當春山更  
麗避地水方清 棹夷猶去設經繼風盟

初春遊武夷

衷雲龍

策杖入山行關上春鳥鳴雪消苔蘚出風暖薜蘿生衆壑開新  
霽諸峯逼太清一生幾函屐因思古入清

題金井

邱光晉

石磴盤空入忽然異象明溪光飛鳥渡野色過橋迎翠靄渾無  
語嬌花故弄情流連羸片刻樵唱兩三聲

武夷春遊

衷集成

遊覽夷山勝無峯不日當時巖長吐霧晚壑浸流霞瑤草迎風  
舞琪花襯景葩林柯似採摘新茗賽抽芽

復古洞訪梓生上人

藍振剛

鐵板孤峯下虛巖屋數間開窓惟白捲青幔盡水山竹影茶烟  
細松聲鶴夢閑斯遊逢慧遠如在虎溪還

遊武夷

吳亦璘

一水環幽壑紆迴借逕深曲橋通石塢僧榻傍岩陰黛起山全  
染雲歸樹半沉望臺高磊石空曠好憑臨

五曲

衷槐林

山深探未盡且漾曲流邊奇到行無路靈因說有仙蛻函何纍  
七虹板自年年獨仰先賢蹟千秋書院傳



七記律詩

遊武夷山

宋劉子翬

回薄溪流漾翠岑東風一舸縱幽尋幔亭落日笙簫斷毛竹連  
雲洞府深似有碧雞翔太杳誰將丹鶴寫巖陰神仙可學非身  
外多少遊人浪苦心

致中招原仲遊武夷却寄

病暑冠裳與體忘一廬幽僻得深藏微風時度澗光活殘日忽  
無山氣涼但想子綦方隱几終慚南郭謾連床何時九曲尋幽  
事船尾應須着漫郎

武夷山中次韻趙清獻陰字詩

石磴雲房隱澗陰昔年清獻此清吟鳳池人物終難繼花縣風

流直到今三尺翠碑遺墨在一林寒竹暮烟深平生景仰高名  
久敢負他時真愛心

同詹明誠傅茂元游晞真館有詩因次其韻

橘林紅垂古觀秋歸途邂逅得尋幽晴莎散策隨山遠夜月圓  
舡信水流勝處無詩端可恨他時有酒更來遊相部二妙生平  
友老矣襟期共一邱

致中相拉遊武夷有六耳不同謀之語原仲和意  
似未平也因次原韻

年衰漸涸玉池津擬與明牕一七塵底用趨風防六耳須知對  
影已三人高情政喜追靈運飽學那容欠大椿右挈左提俱有  
賴應憐懷抱久傾囷



武夷紀遊

濃淡烟鬟半雨晴溪光初借晚霞明  
鰲頭湧出三峯秀天漢融成一鑑  
清粉社台誰藏舊牒賓雲無處問  
遺聲幔亭寂寞仙何在勾漏丹砂  
早晚成

楊時

寓居武夷

蔡元定

數間茅屋環池水竹破黎羹飽煖  
餘不向利中生計較昔於各上着  
工夫窓前野馬閑來行天際浮雲  
自卷舒窮達始知皆有命不妨隨  
分老樵漁

卜築五曲謁精舍

熊禾

當年衛道大賢功人士今知有學  
宮自嘆升堂慚董子豈無笑議韓  
公儒風濟七衣冠舊世事茫七塵  
網中我已結茅溪九

曲飛鳴尚許遡天風

遊武夷

李綱

行七路近武夷山秀氣蜿蜒百里  
間蒼石插天雲縹緲碧溪通壑水  
彎環神仙恍惚誰能識洞府深沉  
自不關我向湖中如得路便應脫  
屣謝塵寰

武夷紀遊

林 嶮

武夷山樹曉陰七無數長岑接短  
岑怪石月沈蒼虎立老松風起黑  
龍吟小舟洞口流泉急斜日溪邊  
落葉深我欲幅巾携杖去數椽茅  
屋傍疎林

武夷紀遊

陳襄

萬叠層巒接遠空瑞雲晴靄氣溶  
七高於太華五千仞秀出巫



山十二重蕙帳曉寒孤鶴恐桃源春盡落花濃鳳鸞一嘯最深處仙客樓臺何處逢

遊武夷

徐清叟

垂老征途出武夷高人應怪我來遲骨凡空想同亭會才拙難賡信國詩流水三三宗海急高峯六六倚天奇漫遊何日茲歸隱分與元猿白鶴期

武夷紀遊

葉夢

重來襍被叩雲扉清夢先從九曲飛三十日前堅有約半千里外較遲歸已呼漁艇安茶具更着羊裘伴羽衣洞裏溪山煩指點若為仙竈若為磯

遊武夷

葉采

六六峯前碧玉流經行復此駐蘭舟喚回三紀神仙夢真上九霄雲關游但恐塵勞添白髮政須高舉訪丹邱歸來世念如冰釋更取叅同讀幾周

泛舟

詹師文

九曲烟霞景若何移舟曲曲泛清波丹峯絕頂籠花木碧洞當門掛薜蘿仙逕鶴翻松露下古潭龍蟄水雲多紫陽去後閑風月獨向平林權倚歌

夏入武夷

范師孔

幾與溪山絕世緣重來猿鳥只依然懸崖野瀑飄成雪近午嵐霏暗盡大水向未疏須認禹山如深入定逢仙中有石鼎烹雲處此夜還來借榻眠



題武夷

杜本

天下名山此最奇，溪潭澄徹路逶迤。塵埃滾上終難到，樓閣重來未易窺。况是高人能閱世，儘多勝處可題詩。十年來往追尋遍，似與山靈有夙期。

遊山郎事

范心遠

路入清溪第一灣，東風猶自逗餘寒。白雲粘地掃不去，黃草戀枝吹未乾。沙上濕痕誰涉水，天邊長嘯獨憑欄。道人泚意無濃薄，飲盡携琴月下彈。

武夷山

薩天錫

三十六峯飛翠寒，手携玉杖叩元關。神仙曾到有遺跡，天地已來無此山。木杪樓臺浮海上，月中笙樂奏雲間。天宮借得寧王

笛騎取蕭郎赤鳳還。

遊武夷

林錫翁

琴劍來趨冲佑宮，道人指引看仙蹤。扁舟蕩漾三三水，一日迴還六六峯。仙蛻有函丹竈冷，洞天無鎖白雲封。尋真更覓桃源洞，回首雲山幾萬重。

武夷留題

劉公孫

石洞秋風一咲歸，水縈山合雨相持。人言曲曲秋偏好，我愛峯峯雨更奇。鐵笛不吹空有月，幔亭同宴又何時。天荒地老無窮意，未許青松白鶴知。

憶武夷

孟惟誠

岩水長涵太古春，丹山猶憶武夷君。仙人樓閣層層石，玉女衣



雲山志 卷之  
裳片片雲浮海壘嵯巖上見懸崖機杼月中聞相傳絕頂無人  
到漫有藤梯掛洞門

武夷漫興

王仲敬

丹碧煌煌倚天開雲間宮闕真蓬萊武夷九曲勿深秘遼鶴千  
載重歸來土女修儀誇絕世金鷄一唱驚九垓我惟移舟問大  
隱神仙蛻骨同飛灰

武夷春

余善同

武夷深處訪真仙仙跡微茫不記年砍竹引泉歸藥圃開籠放  
鶴下芝田百花庄外三杯石九曲溪頭一線天總是春風行樂  
地不如載酒更移船

九曲

徐仲達

楓葉蘆花兩岸秋幔亭高影落中流乘舟偶託山陰興泛月何  
如赤壁遊野鶴不知天地老一尊都散古今愁此行清絕憑誰  
記付與滄浪雨白鷗

游武夷熱萬年宮作

王逸

九曲溪邊泊畫船探幽特訪武夷仙丹茶翠壁倚瓊樹白石清  
泉生紫烟草閣夜深天似水琳宮春暖日如年文公更有讀書  
室萬疊白雲護簡

重遊武夷

王申伯

五載塵埃雪鬢侵停車又復此登臨溪聲洗淨是非耳山色挽  
回名利心松翠不凋雲外老柳黃初變雨中深隱屏仙子開皇  
極歎乃清歐好重尋



遊武夷

徐廣

一葉輕舟九曲潯隔山鐘磬杳沉沉溪流東去銀河瀉仙氣西  
來紫霧深鐵笛一聲元鶴醒澄潭千尺白龍吟清時不羨登封  
事漢時秦壇鎖夕陰

遊武夷

貢師泰

蒼龍飛起崖中斷九曲溪流直上天架壑舟船遺故物噉亭蕭  
管會真仙大王巖下雲初散玉女峯前月正圓閑聽權歌聲未  
已忽看孤鶴下翩翩

遊武夷

王翰

十月霜飛琪樹凋溪迴九曲萬峯遙按圖不倩漁郎引載酒何  
煩土女邀聽徹金雞醒鹿夢醉驂黃鶴上虹橋仙岩大隱多幽

勝叢桂青青更可招

入武夷

王國

折徑微通紫翠巔杖藜携酒亦欣然簷楹隱見雲中觀畧約高  
橫木杪烟畫鶴千年留石壁架船幾度見桑田漾出桃流溪花  
片疑有秦時避世賢

入武夷

車東

一望昇真開野烟此行端是結仙緣步穿空翠雲生脚仰看飛  
流雪滿肩控鶴不來春寂寂卧龍無底月娟娟飄然便作乘風  
想不待丹成到九天

武夷

王肇淵

一片丹山翠萬重寒流曲曲倒芙蓉曾孫宴罷空留幔玉女粧



成幻作峯雲裏水簾天畔雪月中鐵笛院前鐘紫芝瑤草憑誰  
采笑駕青鸞問赤松

武夷答鍾僉憲

明 藍 仁

萬壑天清木葉乾早梅花發拂雕鞍霜隨使者觀風節月過仙  
人禮斗壇鳳去絳雲簫韻遠龍歸滄海劍光寒石崖俯見扶桑  
日一枕游仙夢未殘

寄武夷張郭二仙人

天壺峯頂日月轉星渚橋畔雲烟垂青溪道士與鶴騎白髮老  
翁歌紫芝濁酒欲謀它日醉丹砂須作後天期塵埃滿眼不歸  
去洞裡桃花空夢思

寄余復嬰鍊師居玉蟾丹室

湖海歸來挂一瓢玉蟾丹竈待重燒內經黃帝留針訣三品神  
農辨藥苗楓葉漁舟波澹七茶烟禪榻髮瀟七高秋擬借峯頭  
鶴共爾吹笙向沈寥

賡張宗翰卅過武夷述懷二首

丹霞白鶴洞仙宮絕頂當年避地同春雨磯頭憂巨浸夕陽林  
下眩殘虹先機自合乘槎去投老方驚墮甌空九曲權歌期再  
聽竒聲鷗鷺少從容

荒榛滿目故儒宮憶昔風雩樂趣同年代已隨川上水文光無  
復斗間虹黃埃赤日遮平地高石層陰起半空昨暮維舟西渡  
口濯纓猶勝抗塵容

武夷

葉 俊



武夷山下萬年宮九曲溪頭一棹通  
流水落花尋古道平林過雨見群  
峯幔亭人去雲連壑華表仙歸月  
滿松正好相期問丹訣大風午夜  
客船東

題九曲權歌圖

林熙

武夷奇絕名天下詩客登臨感興多  
石壁雲霞開紫錦玉清樓觀倚星  
河幔亭不復聞仙樂九曲誰能繼  
權歌猶有紫陽遺構石隱屏千古  
立嵯峩

過武夷

偶桓

幔亭勝槩名天下馬首觀瞻數往還  
樓閣迴臨丹井上神仙多在絳霄  
間石膚翠疊三姑袂峯頂雲堆玉  
女鬟安得歸來一洗耳清流九曲  
聽潺湲

泛舟入武夷至平林渡

林弼

十年三過武夷山翠壁丹崖嘆莫攀  
茶竈烟消天地外權歌聲斷水雲  
間虹橋未許秦王識鶴馭空隨漢  
使還惟有溪源通泗水一泓千古  
對孱顏

登武夷山

趙麟

三十六峯秋氣清翩然鸞鶴珮環聲  
客番明月山中宿人在白雲天半  
行溪路碧桃深九曲洞天瑤草問  
雙成神仙有約不可到更擬重來  
話此生

遊武夷

夏原吉

觀風偶入武夷行隨處登臨見物情  
燒藥爐空無鶴守讀書堂古有蟬  
鳴烟光隱隱千峯碧溪水盤盤九  
曲清安得攀躋最高



頂相尋仙子學長生

武夷泛舟二首

聶大年

秋香扶我過仙家  
王犬眠雲石徑斜  
九曲溪山閉日月  
萬年宮殿老烟霞  
吟筇尚帶瑤階藓  
渡舫曾撐翠竹沙  
回首雲深何處覓  
洞簫吹落碧巖花

武夷

柯潛

叠七青山面七分  
烟霞爲宇石爲門  
雲岩蛻骨由秦漢  
苔壁題詩盡宋元  
人世屢更新歲月  
仙家猶是舊乾坤  
黃冠羽客垂垂

老知是錢鏗幾葉孫

武夷謾詠

林萬潮

千里乘槎入武夷  
十年幽夢負安期  
獨携避世盧敖杖  
來詠游仙郭璞詩  
玉女峯頭秋月吐  
金鷄洞口暝雲移  
不須萬丈飛霞頂  
控鶴人歸復幾時

雨泛九曲忽霽欣然成韻

黃懋官

雨過峯巒翠欲流  
風吹落葉碧潭秋  
棹迴溪曲涌孤嶂  
樹擁山堂出小舟  
白鶴青牛人已遠  
金龍玉簡跡還留  
分明自有尋真路  
大藥何須海上求

舟中望武夷

周瑩

沙頭落日暫維舟  
咫尺名山負勝游  
望裏雲霞高閣晚  
吟邊烟



月半溪秋仙人羽化何年去詞客詩名到處留多少雅懷題不  
盡前程付與一登樓

遊武夷

王守仁

肩輿飛度萬峯雲回首滄波月下聞海上直爲蒼水使山中又  
遇武夷君溪流九曲初諳路精舍千年始及門稍待還家慰垂  
白細探更擬存春分

遊武宿冲佑觀偶作

鄭善夫

日落溪迴天柱陰峯前雲木正蕭森古堂衾枕秋燈淨永夜風  
雷山雨深漠北不聞麟鳳信海濱空寄蕨薇心結廬欲擬南陽  
卧抱膝長歌梁父吟

重遊武夷

周宣

十年跡跡偶重尋遠色蒼然破曙陰瑤草細添溪影淨紫霞高  
擁洞門深玉笙不寫人間譜元鶴能傳雲外心欲倚舊吟還自  
咲懸知來者亦如今

武夷漫題

林大輅

不識虹橋路淺深幔亭天樂豈知音何年避世無烟火別洞昇  
真紙楠林金甌空調龍虎性滄洲絲寄水雲心函中仙蛻應憐  
汝日短荒烟生晝陰

再到武夷

林炫

茅屋曾居憶此中白雲滿地紫苔封月明石洞花千樹鶴舞瑤  
臺山萬重一去紅塵迷客路重來丹竈覓仙蹤道人搖艇溪邊  
至載酒同尋六六峯



遊武夷

田賦

武夷山上有虹橋今日來遊半劫消仙骨未昇遺在跡玉書空  
在記前朝氤氳雲氣千峯合宛轉溪流九曲遙讀罷權歌清興  
攤不勝詩思逼秋宵

興田道中望武夷

游璉

興田驛路人家遠烟火依稀出遠山蕨圃秧分疎雨外茶烟人  
語亂雲間半生戀關心空赤土馬之官鬢欲班獨坐肩輿懷正  
忠武夷遙望一開顏

九曲泛舟

聞人銓

天崖踪跡幾名山鹿苑鷺峯日往還山色獨憐溪上好風光直  
覺洞中閒漁舟刺水坐來穩鶴馭梯雲去莫攀返照入江樽欲

壑不知九曲是人間

重遊武夷

鄭大同

五十年來三度遊洞天依舊枕丹邱秋山一帶浮烟薄曉澗雲  
隨曲水流采秀有人來藥圃尋源無路問漁舟斜陽未倦探奇  
興猶借天遊一榻留

歲暮過武夷山地主邀予登眺不暇盃酌而去聊賦二首

考其時益聞警亟去

王忬

人間喜遇有丹邱歲暮相邀賦壯遊日麗諸峯添秀色雲深九  
曲鎖寒流主賓漫擬東南美盃酒難消今古愁策馬度溪仙路  
遠三更幕府待傳籌

素心久負碧山期容與扁舟問武夷犬吠白雲驚笑語馬嘶落



日閃旌旗峯頭玉女空相望劍外風塵祇自知此去洞天還杳  
絕桃花流水繫人思

重入武夷

黃灝

悠七清興滿丹山八十餘齡幾度攀舟自天河探月窟身從絳  
闕禮仙班亭前鐵篴瓜聲迴洞裏金龍雨色閱我是曾孫曾與  
宴霞綃鶴髮尙朱顏

武夷秋泛

萬靈愷

何處名山愜勝遊武夷烟景故相留金雞報罷千巖曉鐵笛吹  
殘九曲秋神女埤花雲拂鏡仙翁倚棹壑懸丹紫陽晚照澄潭  
淨欲向滄浪理釣鉤

尋武夷四首

徐中行

振衣秋色起嵯峨萬壑千崖一棹過峯落鏡中開洞府槎浮射  
杪出天河境遺五嶽登封晚海接三山秘檢多他日掛冠經此  
地扣舷處處好高歌

扁舟載酒任逶迤路轉峯迴面七竒絕壑乍疑塵世隔澄潭更  
與暮秋宜風吹簫管千山應瀑帶藤蘿百尺垂十載武夷堪撫  
掌褰帷三過一題詩

檻外三峯列翠屏武夷絕頂此明庭溪通銀漢星辰濕山碍高  
天日月停尚有殘霞垂碧落忽看孤隼破青冥若非闕尹占真  
氣誰識東方是歲星

陡壁雙開澗道幽提携賦客泛清秋平移鰲頂千峯立倒瀉銀  
河九折流玉女飛來霰作障仙人卧處石爲樓共知超覽天游



盡更躡虹梯到上頭

三遊武夷

馬欵

曲曲溪流面七山半搖空碧半烟鬟  
懸崖隱樹雙梯險深院眠  
花一鶴閃霞彩亂虹機散綺墨痕  
經雨石成斑姓名自是無人  
識舊壁題詩取次刪

言遊武夷道中撫景因憶往年尚賓呂君天台之約

徐渭

巖壑千重路轉偏春陰漠七帶欣烟倦  
投野店聊呼酒咲問名  
山數舉鞭籠鳥對人喧曙色桃花臨水  
弄新年多情忽憶天台  
約歸去應尋剡曲船

重遊武夷

詹仰庇

千巖萬壑共崑峩松桂陰深曉雨過  
瑤草無人迷去蹟仙槎有  
路泛明河行窮碧水飛塵遠轉盡丹山  
宿靄多十載生還重到  
此臨風一醉漫狂歌

送顧山人遊武夷

汪道昆

爾從滄海杖青藜又向丹邱問紫芝  
雲散仙翁邀客處雨來土  
女洗粧時振衣空谷遙聞籟倚棹中  
流坐詠詩漫道幔亭成獨  
往好將瑤草寄相思

遊武夷

李得功

窈窕尋幽歷翠微夷猶孤棹自忘歸  
青山爲我收靄雨碧水憑  
誰挽落暉萬丈虹橋仙已去千年華  
表鶴還飛道人本是忘機  
客欲向滄浪買釣磯



雨中將武夷二首

葉向高

宴罷仙靈杳莫拔不堪風雨妒青山桃花忽入鷓原去春水重  
乘小艇還玉簡刺殘秦漢後鸞笙吹落有無間他年更結尋真  
約乞得丹砂好駐顏  
巖峯朶朶吐青蓮曲曲溪流帶曉烟每恨登臨多對雨但逢山  
水卽尋仙十年春草無游屐三月桃花有客船正是諸真高會  
處行雲玉女倍堪憐

遊武夷還

何喬遠

漢時秦壇不記年游人還拜十三仙雲崖黃木猶餘壑寶圃青  
芝何處田天上瓊芽栽玉露人間落葉噪哀蟬幔亭峯頂橋雖  
斷猶可歸來一刺船

武夷四首

王士昌

九曲危峯九曲灣勝游重此逐躋攀誰披造化寰中秘幻出神  
奇海上山天半舟航嵐氣蝕洞門碑碣蘚痕斑晴光夜靜聞虛  
籟疑是群真控鶴還  
折筍孤撐一綫微樵青採藥過人稀源深疑悞漁郎棹石立如  
支織女機鷲嶺千盤凌日赴虹橋百丈駕雲飛雨餘空翠成涓  
滴半濕遊人薜荔衣  
人間何處覓方壺清淺蓬萊事有無瘞骨仙人金檢秘凌霄漢  
女玉顏孤微茫曖捲山亭迴斷續雲迷洞壑殊還憶余家名勝  
地紫芝白石未荒蕪

草深丹竈冷無烟水面看山漫扣瀑舷瀉銀河珠錯落花開青



嶂錦鮮妍九華醞罷松枝老三秀餐餘石隨堅自幸廬敖游興  
劇名區到處可隨緣

初入武夷

徐燭

道緣爲重世緣輕總屬閑遊豈計程九曲仙班邀鶴馭半空天  
樂奏鸞笙經旬絕粒拋烟火到處行歌變姓名多少函中遺蛻  
在不知若個是前生

游武夷四首

曹學佺

冲佑丹宮古萬年松篁夾道暗秋烟十三名姓登仙籍百二峯  
巒隱洞天鶴控巖前雲冉冉投龍洞裡草芊芊我來重結昇真  
宅地主難逢魏子騫

丹邱遺蛻不知年方外尋真思泐然仙榻堂空碁撒局御茶園

廢竈無烟峯頭亂插虹橋板渡口難移架壑船忽聽玉笙聲縹  
緲步虛已近大羅天

青山心賞未應違却爲攀躋是覓歸石笋亭亭天柱削雪花漠  
匕水簾飛雲邊玉女臨粧鏡溪上漁郎隱釣磯千載登臺訪遺  
跡魏王此地舊更衣

烟霞來往任閑身訪道探元自有鄰竈煖雲窩陳處士劍寒風  
洞白真人依匕橘院堪歸隱沘匕桃源好問津絳節飄颻天  
梁響玉皇殿下列稱臣

題武夷

江維禎

東風幾泛九曲船漫向人間覓洞天魚鳥久忘秦歲月烟霞猶  
護漢山川乘龍人去雲蹤杳控鶴誰傳月馭旂彩幔峯頭天柱



頂時重侍列仙筵

寄懷九溪漁父

江騰輝

九溪深虎似巖灘  
洑七風塵白眼看  
葉艇每隨幽嶂出  
菡房孤掩落花殘  
芙蓉衣上雲千片  
楊柳磯頭月一竿  
釣罷瓦餅曾共醉  
滿身冷落不知寒

懷僧病雲

衲衣曾禮武夷君  
偶爾相逢曲水濱  
賈島逃禪終愛酒  
維摩卧病只因雲  
寒潭一鑑搖秋色  
落葉千秋鎖夕曛  
天外故人吟有句  
月明好入定中聞

劉道人曲水

鍊笛溪頭夜落梅  
絕憐塵慮冷如灰  
一生關意非詩句  
幾度墻

頭過酒醅潦倒拚成山水癖  
迂疏一任暑寒催  
生平雅有誰同調  
相訪多從月下回

九曲泛溪

曹惟才

峽裡移舟勢絕奇  
隨灣指點聽舟師  
嶺頭日落紅沉玉  
水面山來青列眉  
應接不遑盧子杖  
逶迤到處郭家詩  
好山不慮無錢但  
得游時却是宜

武夷謾咏

楚和叔

不着荷衣不着巾  
浪遊長嘯謝風塵  
隨時花鳥入新句  
到處雲山總舊鄰  
潦倒三朝逢聖主  
歸來九曲訪仙真  
溪灣落日移孤櫂  
還向漁郎一問津

九曲晴泛

江山



宿雨初收水繞灘輕舟棹入九溪灣層層曉樹浮蒼靄曲曲晴  
峯擁翠鬢人立斷崖知有路雲堆深谷似無山一聲長嘯壺天  
杳疑是游仙跨鶴還

止宿武夷

烟霞臺觀晚冥七天柱峯前道士迎石鼎傳香烹玉茗絳紗能  
燭照銀屏風吹古洞藤千尺月滿層樓鶴一聲倦倚繩床清爽  
好夜深蝴蝶繞蓬瀛

同林守一李元仲林君若陳英子洪尊光鄭牧仲游

武夷四首 甲申出山作

黃道周

一再經過好下車鷄盟深剗到枯魚慚將殘夢酬新局悔不扁  
雲註書舊世外星辰輕作客山前猿鶴老愁予不知晉魏飄零

後多少高人此卜居

石樓曲折紫崖陰見爾長懸綺皓心未必琪花生鐵嶂果然芝  
草似危岑關將真氣防來鑿撲得樵風老不禁從此便迴俗士  
駕故山石笋細蕭森

溪雲太瘦石泉癯閑却溪聲老釣徒瓊榻不爲高士下紫園可  
有素書無林間鹿起三珠樹竈下人通五嶽圖最憶巖灘七上  
路羊裘藉草其樵蕪

簾洞雲深湖未從輕舟波駛失從容三生嶺外無多逕石鼓崖  
前又數峯鶴爪擘窠分水脉魚鱗着樹上油松日斜欲出裴村  
路婢聽幔亭子夜鐘

甲申冬同洪尊光林守一鄭牧仲林君若侍黃漳浦



師於武夷次韻送行三首

李鼎熊

鬼子騎烟破翠微，絮雲零亂擁峯肥。疾輪過影碾無地，一足跨行天有機。掛壁定猿如學道，遊空夢鳥辨誰非。碧霄振響家常事，豈藉車輪決俗圍。

功成畱鄴好相從，一笑桃花駐舊容。但不誤人完萬行，何為訶佛住孤峯。火知天罅須鎔石，未到霜零豈識松。揮指袖寒還納手，鷄聲蹙枕悟聞鐘。

雨花屑玉落紛紛，一席星辰演小群。嶽瀆不消人聚散，尼淵何敢漫離分。蕤賓咽水絲能語，岷蜀移山鐘已聞。但祝地天如好友，川巖從此溥風雲。

賦得一路看山到武夷送周元亮先生入閩

黎士宏

畫書載去筍輿輕，半踏風烟入鳥程。細路能生情，曲折遙峯屢費憂。逢邈十洲手，著傳圖史萬壑身。先待主盟人，與靈山高巽並。霞亭雲為使，君生

初入夷二首

張堯政

人間何處可尋仙，暫息羈塵叩洞天。歷數碧流紆九折，真窮丹嶼迴孤鶩。峯頭琪草函真蛻，津口桃花引釣船。異日誅茆還此地，願從太姥乞元詮。

層巒如畫刺天青，衆壑奔流儼建瓴。弄影水禽嬌自語，飄風漁笛遠堪聽。堂開三友人，何處館燕游。仙夢未醒，郎此棲真堪解。神仙何必更揚舲。



武夷山志卷之十一  
再入武夷二首

屐筴東山恣勝游，高情元對此丹邱。  
瀑聲忽送千峯雨，雲氣常陰萬木秋。  
漢碣羅函封禪古，秦壇苔鏤篆文留。  
遙看風露平分處，雞犬林輿復悠悠。

磴入藤蘿一徑斜，紫崖丹壁老烟霞。  
長松閒滴寒林露，古澗時芳野藻花。  
名利繇來隨逐浪，雲山到處可停車。  
何當卜築千峯裏，洞口桃花第幾家。

孟冬同無可禪師李磊英居士游武夷山

錢秉鎰

萬年宮外夜初齊，緩擢言窮九曲溪。  
雲散曉風嬌玉女，日窺仙洞伏金鷄。  
荒亭幔撤稀聞宴，絕壁虹收尙可梯。  
總覺是仙人親指。

點花源深處不愁迷

碧樹霜餘半嶺紅，冬晴乘興遠公同。  
懸崖躡壁繫直慣，淺水浮槎去僅通。  
題句可遭遊宦客，辨語須問住山翁。  
大師選勝思栖隱，勸我休心老此中。

聞到大遊客罷遊，果然此踞最高頭。  
方知曲曲山迴轉，合使峯峯水抱流。  
丹碧斂中通，作舶烟雲破處墾。  
田疇擢歌不向前途去，一覽臺邊已盡收。

更衣臺對隱屏，寫山水周旋勝地存。  
龍起偏嗔書有院，茶荒不改御園。  
文公書院爲龍所毀，舊有御茶園。  
道人霞上呼雞犬，逋客雲中課子孫。  
見說溪源田可種，携家真擬住星村。

重遊武夷二首

方一蘭



三年重入武夷山翠壁丹崖縹緲閃笑指仙船天上架驚看玉  
女巽邊斑空潭露冷白雲去峭石月高元鶴還倚棹渾如圖畫  
裏濯纓真沂碧潺湲

桃花誰道武陵深玉洞仙峯此日臨趨走每愁逐鹿客沉淪真  
慰采芝心一蓑烟落釣臺古雙笛嵐岫石鼓陰不盡題詩巖外  
景天遊策杖漫追尋

山中漫題

周千秋

不慣逢迎睡莫醒四時花下戶長扃懸巖枯樹寒猿叫路繞罡  
風過虎腥掛壁月痕山寂寂窺籬潭影水溟也上方百八鐘聲  
動數到窮時起誦經

武夷

倪人瑞

武夷架壑有仙舟我欲從之紆遠愁危石斷連藤接路寒泉淒  
冷夏疑秋封承漢祀兼秦錄人雜高僧并羽流最是昔賢心日  
曠萬嵐橫處疊烟樓

偕友讀書四曲卽事

虞瑜

日接名山氣暫幽素心同其亦何求竒情奔放先臨水古木蕭  
疎更感秋興到不妨遲月臥坐餘時許看雲流尋常課法難相  
律謾別仙凡詠莫愁

武夷紀遊

王湘

百尺飛梯倚碧霄仍穿蹬道徹岩巉曾孫綵幔雙龍結羽客金  
丹九轉燒五岳更拚游汗漫北溟何用託逍遙步虛擬譜朝元  
曲招其青童品洞簫



武夷道中賦贈李去華

錢繼登

丹山盡處見衡門云有今之靜者存欲使文章風秀曠不交  
流俗道孤尊著書卒歲各新語仗劍投人感舊恩我輩定交原  
自別路傍執手不須溫

遊武夷

徐遠

徑龍真洞鎖烟霞仙犬花津吠客棹婉婉珠流迴玉氣噴噴玩雲  
嶠剖丹葩生將壘運王維手乞取桃源石戶家畫卷詩瓢朝暮  
挹幽竒歸向越儂誇

武夷漫興

金應龍

竹杖芒鞋得意遊丹山碧水倩詩酬鏡臺光照千峯曙風洞寒  
生六月秋松外鶴聲孤客夢月中猿影一漁舟欲知仙學非虛

幻真蛻今猶坐石頭

武夷紀遊

胡誥霖

雲結元關繞百盤風颭露竹翠千竿問津客乙胡麻餅採藥人  
尋石髓餐猶有乾魚傳漢祀更無蚪七識秦壇長生欲向高真  
問慚媿風塵未掛冠

徐興公欲卜居武夷詩以贈之

張于壘

六六之間有因風幔亭遲爾結為憐五千言就非常道十二仙  
班降後身在澗在阿隨去住一瓢一粒佐清真莫忘此日尋源  
興孤負桃花片片春

仲春遊武夷

柯元芳

先春香嫩煥山容劉碧摩蒼圖畫中漫道公餘遲憲節好乘逸



興訪仙踪有聲欲靜三三水無勢不奇六六峯我亦將尋修悟  
處隔巖指點淡雲龍

秋日部直指鯢淵張公遊武夷

錢震瀧

選勝誰云鮮應求采真一枕已全收榻來尚憶當年事乘興仍  
銷此日愁賸有芒鞋酌接荀慚無好句答天遊况部霜笳經行  
處林壑風生萬木秋

崇安公署懷武夷二一首

邵文彪

屈指遊蹤二十年芒屨初擬武夷巔似臨佳境嘗謂巖若箇名  
山不結緣兩岸松筠封去路一溪風雨鎖寒蟬却嫌攬勝仍增  
憶斗柄徒移牛女懸

武夷入宴幾經秋手執新編且卧遊霧蛻已知隨羽化闕雲應

其此山留水簾自卷晴岩雨絕壑空藏駐楫舟谷口來轅停幾  
許肯餘山水意悠々

武夷

馬豹蔚

山結青葱水結紋洞門霞障晝氤氳見來墜薜低垂露看去奇  
峯高入夢控鶴人歸溪自冷卧龍潭靜日初曛丹砂豈必傳勾  
漏于此相從訪隱君

武夷郎事

彭維氏

銀榜珠宮逕透迤乾魚頰祀是何時寶雲無復曾孫宴禱雨猶  
傳山子詩水面桃花流片片風前毛竹舞猗猗溪山幾閱游人  
老擬向峯頭餌紫芝

遊武夷

國朝潘 球



曲水團峯似碧蓮  
迷離樹色乍生烟  
幔亭醉月猶餘地  
接笋梯雲可問天  
風送林中新牧笛  
雨留巖下老漁船  
近來蟻得遊山  
屐百丈磯頭看瀑懸

遊武夷山一首

劉子偉

花明九曲映清流  
鳥弄笙篁傍小舟  
遠岫層巒開紫煙  
烟冉七  
護丹邱金雞洞杳  
乘雲度玉女峯高  
跨鶴遊欲上幔亭  
尋勝蹟  
擎舡虹板爲誰留

纔從越嶠賦登樓  
又向名山汗漫遊  
載酒看花聽杜宇  
論詩說劍吼吳鉤  
羣峯遠抱三姑立  
衆壑斜通九曲流  
偶過琳宮時一  
顧生香逸韻更難酬  
武夷羽人出王適菴先生新韻見示

武夷山

彭演

杖底層巖陡壑侵  
大王峯色尚陰陰  
烟雲未闕鴻濛氣  
水石堪紆冷淡心  
九曲清音消旦暮  
千年勝跡閱升沉  
相傳舊是神仙窟  
惆悵吾家不可尋

赴潭陽任道過武夷

李輔寅

武夷形勝夙聞奇  
便道之官一覽知  
山似芙蓉插霄漢  
溪如瓜蔓繞塵屨  
恍聞鐵笛吹初罷  
笑問金鷄唱幾時  
清絕源頭來活水  
瓣香一拜紫陽祠

望武夷山

魏麟徵

武夷突兀入雲端  
漢代曾傳有祀壇  
誰御天風吹鐵笛  
或探海日浴金丸  
仙舟尚說藏丹壑  
精舍遙聞帶碧湍  
不到山中奇絕處  
蒼茫只畫圖看



泛舟至六曲登天遊閣

丁灝

曲曲溪流碧玉環，停橈躡屩一躋攀。  
閣當水繞山蟠處，人立天光雲影間。  
俯見檻前羅翠黛，遙聞樹杪響潺湲。  
入林倘遂平生願，泉石烟霞日閉關。

遊武夷

劉名垞

溪南溪北景皆妍，一水中分却九璇。  
徑暗有雲常曳曳，巖高無樹不參天。  
登山幾欲同韓泣，遇石何曾作米顛。  
惆悵煉丹人去後，空遺藥鼎篆台錢。

遊武夷二首

湯永寬

入茲山衆木蒼洞，天今古表南方。  
凝眸勝地思何極，回首真人跡已荒。  
安得虹橋通咫尺，縱存香鼎付尋常。  
萬年祝聖從前

事金簡遠瞻盛世長

欲追丹竈沒蒿萊，控鶴餘踪盡染埃。  
誰羨龍芽留客坐，我尋鷲嶺及時開。  
時余急往虎嘯禪林，猶能濟勝非無力。  
獨愧登高不是才，幸有張仙苗裔在。  
時與張懷一鍊師同遊，指南爲導箇中來。

萬年宮值雪張煉師招飲橘隱堂

倪捷

連朝兩赴煉師約，最愛交情似酒濃。  
辟穀有方還一醉，燒丹可術便成功。  
張真人在座，閑宜試茗梅花下。  
忘卻敲棋橘隱中，策蹇又從溪上望。  
幔亭殘雪見青峯。

遊武夷

劉秉鎬

白雲深處淨無塵，布襪青鞋一問津。  
十里清流通宛轉，千尋列



岫盡嶙峋宮中玉簡猶傳宋洞口桃花亦避秦莫道幔亭簫鼓  
歇天風遺籟入松筠

遊武夷山

陸廷燦

望中各勝乍躋攀俗吏塵襟覺類刪水曲三三歸萬壑峯竒六  
六傲千山松雲曉護金雞洞花雨晴開玉女顏指點仙跡隨處  
是恣探還待放衙閒

武夷茶

桑苧經傳熟見聞彈琴喜傍武夷君輕瀉松下烹溪月含露梅  
邊煮嶺雲醒睡功資宵判牒清神雅助畫論文春雷催出仙巖  
笋雀舌龍團取次分

重遊後石洞

邱華嶽

緩扶黎杖磴層上最愛名山最愛僧得品茶香渴已喊重吟詩  
好興猶增高低水樹雲無定濃淡峯巒畫不能試問丹霞燒木  
佛寒岩煖氣幾時騰

辛丑偕懷弟君可遊武夷四首

何瀚

快同予季縱遊觀山水幽竒繪畫難沙岸兩開分洞壑竹篙一  
轉變峯巒虹橋再渡仙舟朽龍脊凌虛客胆寒高閣憑欄舒勝  
覽由來居易夢魂安

竒岩怪石競相迎鬼斧神斤削不成西幄雲隨東幄散南溪月  
渡北溪明竹籟箬笠空塵氣野籟村醪爲主情惆悵幔亭仙曲  
寂山頭何處望吹笙

紫陽精舍隱屏開露白葭蒼五曲隈憂世斯人怎不出讀書如



我曷能來波隨溪轉流胡底石傍雲飛勢欲頽大業各山無限  
事浪遊未肯學仙回

携來長枕卧烟霞眼界倏然脫物華淺水有人皆駕筏深山無  
地不栽茶峯頭秋露神仙井溪尾春風賈客家却喜龍團今罷  
貢巖疆名產補桑麻

庚辰夏同施潯江觀察遊武夷中奢鋪望大王峯口占

戴廷棟

尚隔名山十里遙萬峯叢裏見岩巖紫雲籠日懸丹嶂青藹凝  
烟倚碧霄縹緲幔亭通御座依稀仙路架虹橋直須躡屐登高  
頂夜聽瑤池響鐵簫

遊夷武宮

塵寰何處覓仙蹤九曲溪頭六六峯鐵笛無聲人寂乚玉華有  
銘草茸乚雲封架壑閉歸鶴烟鎖危磯隱卧龍我願息韉依止  
止肯分牛席作茶傭

武夷山志卷之二十三終



武夷山志卷之二十四

武夷董天工典齋編集男勅校刊

五言絕句

武夷

唐徐凝

武夷無上路毛徑不通風欲其麻姑住仙城半在空

武夷偶題

明錢鏐

峭壁蒼溪上桃源自一村幔亭人去後芳躅萬年存

廻櫂

劉侃

峽折峯全削風廻瀑盡飛山光併水色載得一船歸

咏武夷二首

邗其智



溪上群峯列松間一逕微林深行不盡雲懶坐忘歸  
鳥道梯危磴芽菴隱翠微洞門常不閉野鶴自知歸  
看山絕句二首

江騰輝

非山亦非石秀發不可測六六玉芙蓉亭上弄秋色  
誰染丹青筆亂向溪邊灑齒蒼倚雲開欲駕虹橋採

山中偶咏

徐表然

竒興武夷遊春深翠欲浮忘機花塢外山鳥數聲幽

咏武夷

張祥

六七形爲偶三七數見竒分明天地象不必問庖犧

武夷紀遊五首

張于壘

石角問樵夫鳥道從茲去中有化人居只在雞鳴處

菖蒲皆九節靈芝常五色仙藥遍地生此中人不識  
平田分上下牧笛竹相隨同村不相識日暮各自歸  
行行深又深仰視蒼冥小不但絕人蹤更覺無啼鳥  
桃實滿路歧紅盡向南枝不必逢仙人食之也不饑

出山遊武夷三首

董應舉

俯視雲鳥低仰見日月側石磬下青冥千山飛翠色  
四日巖際眠半生夢中境却羨深山人不識深山靜  
此山已三游初如不相識不是境難窮匆匆無所得

伯敬畫武夷一景小詩二首題之

譚元春

他山宜畫水武夷宜畫石武夷溪水深不少空天碧  
藏自冰心人入君王潤手半天冰玉光先被溪山有



送家草堂隱武夷四絕句

國朝王奕駒

武夷石孤潔今古無點塵有道能高隱差堪作主人

武夷趣甚幽先賢卜其宅草堂一徑開吾道增光澤

三十六峯青烟霞朝夕秀德鄰萬古香日月在宇宙

先生向余言耕桃源十樹下話黃農絕不驚風雨山

武夷四時

王復禮

山中何所有端月看桃花勝地春先到千林一片霞

山中何所有無價是松風消盡人閒暑塵勞那得封

山中何所有素女設丹青錦障千峯滿伏誇一幔亭

山中何所有十月已梅開白雲漫天去香風特地來

六言絕句

武夷雜咏

明粲 堪

石落閑花誰掃紫芝仙客已老琳宮細雨淡烟丹竈斜陽暮艸

橋上虹光弄影樓前嵐色如黛金函玉檢何時流水白雲自在

紫陽去後圖書猶在山陰溪曲白月一川啼鳥先風數椽茆屋

又

徐素然

曲水溪頭宜釣白雲深處可家試問功名富貴何如泉石煙霞

傅汝舟

屋倚九天丹壁門垂千丈珠簾卧取山中富貴野懷猶愧傷廉

又

楚和叔

五丁鑿開石室六甲呵護山扉齋罷鳥隨香散夢回鶴帶雲歸

石竇雲鋪鳥道山梁寒跨龍湫三館藏書枕藉五嶽披圖卧游



海上鳳麟洲渚雲中鷄犬人家元圃叢生辟芷香泉流出胡麻  
顛察地與頗異仰泰天宇原同新月如鈎懸象祥烟作篆書空

又

國朝李鍾鼎

樵伴山歌鳥和荔裳石罨藤鈎拾得枯枝一束來歸危徑三休

又

王復禮

樓外溪流九曲階前樹色千重鈎雪難追漁父鋤雲甘作花農  
柳綠桃紅遶屋山清水秀臨門小李畫成金碧大姑繡出乾坤  
溪自千流滙聚舟從萬石穿行宛是人間瑤島何須海外逢瀛  
洞辟何如曰鹿谷深恍似青牛山餘閉戶宜讀九曲乘桴可考  
報夏山頭新綠番春水面殘紅堪嗤佞佛蘇軾不學求仙葛洪  
門小却慚遇德山荒有愧榜賢尋師訪友商隱守道安貧樂天

白石已堅夙約丹崖不敢寒盟有心尚論千古無力相隨耦耕  
雙徑悉垂鳥屋二餐常供龍鬚野老欲敦夙好山居不逐時趨

宿白雲山房三首

張景蒼

巖畔老楊萬樹澗邊翠竹千竿紆迴直上峯頂是處溪山可看  
九曲洞藏深處烟雲變幻多奇只恐山靈笑我緣何結伴來遲

七言絕句

題武夷

唐李商隱

只得流霞泛一盃空中簫鼓當時回武夷洞裏生毛竹老盡曾  
孫更不來

劉子澄遠寄羊裘且有懷仁輔義之語戲成兩絕爲



謝以發千里一笑

宋朱熹

短棹長蓑九曲灘晚來閑弄釣魚竿幾回欲過前灣去却怕斜風特地寒

誰把羊裘與醉披故人心事不相違狂奴今夜知何處月冷風凄未肯歸

出山道中口占

川源紅綠一時新暮雨朝晴更可人書冊埋頭無了日不如拋却去尋春

題武夷五首

朱白玉蟾

不見虹橋接幔亭空餘水綠與山青客來別出些奇勝五曲溪頭大隱屏

龍驤仙掌巖頭水鶴唳幔亭峯上雲但得明窓塵一七躍身去謁武夷君

芳草暗分流水綠老松剗借老山青獨拈鐵笛溪頭立吹與洞中仙子聽

巖達真人去不回幔亭不見舊樓臺曾孫倚着寒松立已落風悲猿自哀

山聳千層青翡翠溪流萬頃碧琉璃遊人來此醉歸去幾箇親曾到武夷

武夷有感十首

春

雨霽烟凝正夕陽子規啼斷幾人腸東風不動些情思每限落



花春自香

夏

鶯喚綠楊抽嫩葉蝶催碧藉發新花颯然一點薰風至日落前  
山噪亂鴉

秋

雨餘秋薜幾堆錦日出朝葵于簇金對景適然發清嘯野猿驚  
泣綠陽深

冬

尺雪藏山徑暮一枝梅簇洞門春溪頭昨夜冰寒綠風捲彤  
雲發曉嗔

曉

風吹萬木醒棲鵲月落西山啼斷猿雲捲翠微深處寺一聲鐘  
落碧巖前

暮

碧雲紅樹晚相聞落日亂鴉天欲昏人去採芝不知返草廡空  
自掩柴門

行

雨晴初收起暮烟芒鞋竹杖翠雲邊東風解發陽春意放出落  
花啼鳥天

住

月冷風清三徑竹猿啼鶴唳一窓雲閉門放入前山翠試把犀  
兒栢子焚



坐

千山猿叫月如晝萬籟風號天正秋霧濕蒼苔烟漠也自重  
寒迴瀛洲

卧

巖下烟深人不來白雲寂寂掩蒼苔松花落地鳥聲寂一枕清  
風送夢回

草衣仙凡題八首

贈友

君愛龍蛇我愛茶偶然乘興到君家  
郎官巖下重携手晉此詩箋當剪霞

海棠

海棠吟就更何如我愧人間女  
校書不敢臨風題好句壽堂春暖白香餘

春分

三春花鳥此朝分偶到人間  
閑細論文香茗對君情自永乾坤從古一氤氳

訪蓬壺主人

放鶴春郊歸去來畫堂人去自徘徊  
揮毫更覓神仙侶笑入青山柳外臺

悟源

卧向東山日正東麻衣沉醉笑東風  
人間多少朦朧事不向仙源識舊蹤



又句

倦起春風不自由  
道人半醉問滄洲  
曾經劫外花少多  
燬爛何心到九秋

春思

柳色晴明正弄風  
垂絲片片舞新容  
道人勿作虹橋想  
願逐飛花流回東

夜吟

紅花落徑不開門  
寄語東風醉使君  
剪燭西窗明月上  
教人何處不消魂

廣仙凡題

八首

醉中憶別

我肩高陽一酒徒  
滇南縱飲不須沽  
醉中忽聽花朝到  
兩步翻來見小壺

郎景

山自青兮水自波  
數聲黃鳥與雲和  
穿來一領荷衣破  
猶向爐頭對酒歌

武夷回句

相將携手入烟霞  
帶醉春風杜宇家  
一咲乾坤渾不識  
杖頭挑得滿山花

醉謁

酒到神仙不論錢  
杖頭分與幾多烟  
將烟吹向爐前去  
兩眼迷離笑碧天



秋海棠

一種清芳見海棠臨風映日可人粧  
正宜酒斝杯中趣生怕淋漓欲斷腸

閨句

未槎却向武夷來高閣臨流霽色開  
愧我豪情春欲盡丹青何處似蓬萊

郎事

最不近情二月雨偏饒清興兩杯茶  
知心半是窓前葉滴瀝聲敲似暮笳

郎景

亂飛簾外垂系雨乍見峯巒幾處晴  
心朗應如秋水淨當風瀝

七聽箏鳴

題畫

清氣盤迴作武夷峯省巒  
窈白雲飛重來未了平生願一幅  
輕綃畫得歸

題武夷

濯七清溪九曲流一天風露萬山秋  
嘯歌不似人間世月檻雲窻特地幽

武夷三首

辛亥疾

見說仙人此避秦愛隨流水一溪雲  
花開花落無尋處彷彿吹

蕭日下聞

山中有客帝王師日日吟詩坐釣磯  
費盡烟霞供不足幾時西



伯載將歸

行盡桑麻九曲天更尋佳處可留連而今歸棹如擗箭不似來時上水船

初入武夷

陸潛

未到名山夢已新千峯拔地玉嶙峋黃亭一夜風吹雨似與遊人洗俗塵

咏武夷

劉學箕

三十六峯高插天雲深何處見飛仙幔亭舊事隨流水空向溪頭喚釣船

題武夷

方岳

鶴怨空山久勒文買舟又訪武夷君一聲鐵笛不知處但覺滿

身生白雲 此詩勒於小九曲石壁

武夷

杜本

武夷從昔有仙君蛻骨層巖上白雲獨是權歌遺響在誰人能向夜深聞

讀虞伯生萬年宮碑記

經世文章寄物毫烟光更比洞天高仙靈應是類阿護長有元裳下九臯

武夷漫興

陳一從

曲奏賓雲久不聞尚傳石髓滿汗樽虹橋宴罷仙童報昨夜松關鶴有孫

宿武夷山中

陳平仲



瓊樓寶殿露華涼  
淡月疎星松檜香  
一榻南窓清夢覺  
忽聽巖下水浪忙

武夷漫題二首

薩天錫

幔亭峯頂秋無價  
紅白芙蓉蒲洞開  
喚取漁船遊九曲  
載將白鶴渡溪來

太隱屏前小隱居  
竹房雪屋聽猿呼  
丹光出谷明如月  
夜讀離騷擁地鑪

武夷山居

彭日隆

兩眉如雪照平川  
歌罷香雲滿玉田  
桂樹西風山月白  
一瓢黃露噀秋天

月夜泛舟

余嘉賓

蒼玉屏風九曲流  
滿船絲竹載清秋  
更隨明月瑤臺去  
無數紅雲夜不收

武夷秋景

陳元黃

斑石濕餘蒼蘚雨  
白雲收盡碧山風  
柱頭歸鶴無人識  
門對寒流霜葉紅

武夷

王仲敬

紫簫石磴和雲吹  
白鶴松巢帶露棲  
九曲洞門無鎖鑰  
一溪春水出來遲

遊武夷

裴守中

我生分得仙山境  
洗淨塵緣萬慮空  
三十六峯天一碧  
橫琴高坐聽松風



武夷

丁希賢

點易硯承松葉露卧雲軒貯桂花風幔亭鐵笛人何許日照扶  
桑樹影紅

遊武夷

唐仲實

乘鸞遠訪武夷君瑞氣凝成五色雲落盡碧桃春似水紫簫聲  
裏立斜曛

題武夷權歌圖

明葉路

曾孫寧罷幔亭空清碧溪山人言中携酒幾回遊九曲權歌猶  
說紫陽翁

題畫武夷圖

胡澗

武夷形勝一蓬萊山下停舟幾往回未盡平生游覽興雲縑寫

入畫圖來

泛舟漫興二首

蘓伯厚

笑入松門鶴壑迺山靈好客更多情西風一路桂花雨才上仙  
舟便放晴 衷雅生山志誤作何其漁茲從楊恒叔志改正

九曲深藏古洞天道人邀我溪上舫沿流指示神仙窟悔在塵  
寰五十年

九曲泛舟

林聰

巖花洞草幾春秋九曲春光曲曲幽酒盡興闌歸去晚野航載  
月任中流

泛九曲

戴珊

一櫂東風九曲溪眼前色色可留題山靈似與人心會積雨初



收日未西

題武夷圖

沈周

碧水丹山映杖藜夕陽猶在小橋西微吟不道驚溪鳥飛入幔  
亭深處啼

泛舟九曲

羅倫

紫霞初曙綵雲飛碧水丹山曲曲奇一棹烟波看不盡扁舟何  
用五湖歸

遊武夷二首

孫元

武夷山高秋意涼雲陰半落松桂蒼青壁無人沿月上躡舡放  
歌溪水長

野鶴照衣來清瀆山樹開花留白雲他日移居溪水上道衣同

呼武夷君

遊武夷

劉堯誦

六六峯頭明月多美人隔水奏雲和相逢却是人間路翠黛芙蓉  
柰爾何

七曲

蕭顯

水漲溪流沒石灘兩山排闥最宜看扁舟搖過松陰下萬壑濤  
聲六月寒

武夷

莊一爰

轉徑入山洞自斜碧桃時結千年花東風散與游人醉鐵笛飄  
來四五家

武夷

馬本初



碧水丹崖鎖翠烟  
仙人遺跡尚依然  
停車欲向山中宿  
恐人祇間歲月遷

泛武夷九曲

區 王

石屏忽轉又逢灘  
當面青山取次看  
黃鳥隔林啼不斷  
滿溪雲氣濕衣寒

遊武夷

鄭 綱

沙明水碧武夷溪  
仙子真君跡已迷  
若道長生有真訣  
不應函骨葬金雞

武夷

黃宗器

曲溪古洞雲深控  
鶴仙人昔此臨  
丹竈九還何處覓  
幔亭涼月及清吟

武夷夜泛

陸經邦

半輪明月掛峯頭  
萬點玻璃散碧流  
月下仙源深幾許  
桃花有路引漁舟

九曲泛舟

沈 仕

風曳丹霞影倒飛  
天開峻壁曉生輝  
舟行似蹙銀河水  
漾動雲邊織女機

山居

汪三寶

幔亭峯下寒雲外  
流水飛花送小舸  
夜宿山房清不寐  
紫簫吹徹月華高

題武夷

戚繼光

一劍橫空星斗寒  
甫隨平北復征蠻  
他年覓取封侯印  
願學幽



人住此山 此詩書於冲佑觀三清殿壁署云赴七鄙人書以記之

遊九曲

汪天龍

丹崖翠壁幾重重十里溪山九曲通一笛秋風牽短棹自雲深處覓仙蹤

訪和叔羽士不遇

徐燠

一去雲游消息稀碧牕塵滿舊霞衣不題名姓言相訪到處為家未必歸

題武夷

傅汝舟

一劍多年別洞庭九溪伴鶴宿孤亭相逢莫話還丹事了看仙山萬疊青

武夷訪周羽士

徐延壽

百尺雲頭占一峯客來峯頂覓高蹤仙家賸有青精餌不用游人裹宿春

初晴上武夷

謝杰

半夜天風掃祝融山靈催日上瞳矓仙人掌上參差見三十六片金芙蓉

九曲晚泛

趙善政

扁舟載酒溯清流九曲琪花映水幽陣陣香風天外至一鈎新月碧山頭

泛舟過四曲

徐子隆

金雞洞口更停舟九曲溪山此最幽昨夜峯頭雲氣濕一番春



雨漲清流

武夷阻雨

國朝王頊齡

為愛名山結伴遊武夷勝處即瀛洲東君有意吾人醉閒遣風雲護酒籌

送友任武夷

范時繹

披襟人是晉東西新綰銅章御墨題不羨君官羨君地放衙十里武夷谿

武夷

韓奕

九曲溪邊一葉浮白雲紅樹足清幽自憐不及元真子綠箬青蓑伴野鷗

武夷偶興四首

李如龍

洞天深處不猶人山夾清流曲曲新結得一亭峯頂上入溪半里隔風塵

漁舟漸入武夷灘鐵嶂同亭倒影看昔斷虹橋誰再續長生不覺悞儒冠

託身猶喜白雲深何事行行澤畔吟鄰曲雞鳴驚昧且湖洞難遣楚湘心

壑船停棹幾乾坤劫運滄桑有去存甲子下元休屈指扁舟不見渡王孫

武夷雜咏

陳遜

霞衣掩映亂峯間聞道虹橋賜宴還分得瑤花千萬朵卧龍潭上弄潺湲



危橋斷棧絕峻嶒跣足緣空躡霧登石洞豁訝深百尺有人尸  
解瘦如藤

松影參差竹影兼峯巒當戶瀑當簷手拋仙錄瑤壇上控鶴歸  
來醉黑甜

夜檢昇真玉簡書何人乘鹿似馮虛月明曲曲峯已見毛女吹  
笙約二魚

武夷漫興二首

胡日炎

斗梯百丈掛雲門尺五天高青可捫劈破琅玕成老石當年曾  
共見曾孫  
棹轉溪迴生面開此峯竟作別峯猜雲堆石路迷山脚忽聽雞  
聲縹緲來

武夷懷舊

方珽

紺宮碧殿掩朱霞知是元元帝子家昔日種桃人不見空餘古  
木挂藤花

贈顧子榮居武夷下城高

臧眉錫

胸中邱壑原無價筆底烟霞自有神獨占武夷最勝處問松堂  
可謫仙人

和威南塘武夷宮題壁

潘耒

玉帶金魚事等閑洞天咫尺在人間數椽隨處堪投老何必君  
王賜此山

武夷山訪隱士不值

樂風

撲面秋風入翠微黃花深鎖白雲扉道人採藥知何處消息今



朝歸不歸

郊行過武夷三絕句

倪煒

碧溪水共曲流通兩岸青山景不同一棹乘風容與去武陵疑  
在武夷東 放舟

仙宮息駕雨沉沉濕霧瀾漫疊嶂深一上高樓頻眺望關河萬  
里繫鄉心 武夷宮阻雨

海底珊瑚鐵網遺冥鴻遐舉欲何之武夷又見高人宅風雨西  
窗細論詩 同草堂坐談

遊武夷雜咏五首

吳來聘

武夷仙跡耀山林巖聳溪迴水色清欲借虹橋雲漢上幔亭彷彿  
有歌聲

也向溪邊望架船當年停棹竟年年桑田此際雖非昔舟楫還

須濟巨川

大隱山高水更深遠繩洙泗惠儒林先生精舍千年重希聖長

昭萬古心

為愛桃源小澗灣石崖相倚作元關游人登覽驚無路雲去雲

來意自閒

曲曲溪村景自然微君遯跡寄平川風流尚許前徽續不比人  
間鷓鴣天

遊武夷五首

朱珽

邀月散步上蓮峯雲鎖寒烟翠幾重石鼓催花添逸興夜來殘  
月透青松 鼓子峯



曾聞三友隱山顛  
沉醉携筇訪故仙  
曲徑幽深人跡少  
嗷七仙  
犬吠雲

三隱臺  
歷盡崎嶇上碧霄  
陰陰古洞架虹橋  
蟠桃未熟龍團美  
七碗風生興自饒  
碧霄洞

探春又復上天遊  
步步青雲足下留  
一覽臺高峯自下  
王維應  
海卧滄洲  
天遊峯

天遊七遍下天臺  
古木青青長翠苔  
風景箇中誰得似  
門前幾樹碧桃開  
天臺峯

登大王峯主人未遇壁間懸鏡客至自照

李 錡四首

第一峯腰半劈開  
登臨眺覽幾徘徊  
客中雖值主人去  
鐘裏却

逢知己來

登天遊一覽臺次壁間韻

結宇山巔浮半空  
羣峯羅列  
帷中最憐玉女深  
閨韞縮首歛容不出宮

登鼓子峯

林間禪寂鼓聲細  
天際峯高眼界寬  
到此一空塵俗愛  
仙成不用煉金丹

遊香水寺 離星村市五里在九曲外

市遠禪心偏覺靜  
茶清泉水亦生香  
莫言平地無佳景  
餘興來遊味轉長



詩餘

遊武夷 江城子

宋李綱

武夷山裏一溪橫  
晚風清  
斷霞明  
行至晞真館  
下月華  
生仙跡  
山靈蹤  
知幾許  
雲縹緲  
石崢嶸  
羽人同載  
小舟輕  
玉壺傾  
薦芳馨  
酣飲高歌時  
作步虛聲  
一夢遊仙  
非偶爾  
回棹遠  
翠烟凝

又念奴嬌

劉清夫

亂山深處見寒梅  
一朵皎然如雪  
的皜妍姿  
羞半吐  
斜映小窗  
幽絕  
玉染香腮  
酥凝冷艷  
容態天然  
別故人  
雖遠對花  
誰肯輕折  
疑是姑射神仙  
幔亭宴罷  
迤邐停理  
節愛此溪山  
供嘯咏  
飽坑洞天  
風月萬石叢中  
百花頭上  
誰與爭高  
潔粗桃俗李

不須連夜催發

又水調歌頭

覃懷高

翠蕤埵雲表  
初意隔仙凡  
臨風據案  
一見邂逅  
似開顏  
幾欲掌舟  
九曲便擬捫  
黍絕頂直下  
俯塵寰  
聊此稅吾駕  
羸得片時閑  
問仙人  
緣底事  
去不還  
長風浩浩  
何許清  
爽香難攀  
只有蒼烟  
古木好在  
清湍白石  
依舊畫圖間  
回首武夷路  
窈靄沒雲鬟

又友人尋武夷之勝

水調歌頭

明羅震

雨晴山潑翠  
溪淨水拖藍  
閑來共部杖  
屢邂逅  
已成三齒  
匕清泉白石  
步步碧桃  
翠竹在處  
輒幽探  
行到釣臺下  
怪樹蔭空潭  
踏芳洲  
尋別館  
履巉巖  
壺天日月不老  
雲氣滿東南  
沽得一樽濁酒  
喚取山花  
溪鳥聽我  
醉中談  
異日再過此端  
爲解征驂



又前調

惠仲實

武夷最佳處晴氣碧於藍遠瞻崖壑溪曲六六與三三莫問塵  
生滄海休嘆鶴歸華表好景且容探鐵笛破龍睡黑雨滿深潭  
笑神仙骨蜕骨閱空巖幾人踏蹬不遇太史滯周南最好檀  
塲老子筆底文章如許何必事清談暫憇桃花下白馬稅飛驂

遊武夷

臨江仙

二調

何守謙

山下清溪浮上渡舟迴九曲皆諸峯羅列翠屏圍烟霞今閨苑  
花木昔堆池 念念佛仙無覓處洞天番在靈祠從教猿鶴咲  
台癡還山非不樂未急負明時

愛寐武夷仙島上一來欲浣羈愁山靈何事厭人遊白雲生洞  
口微雨暗溪頭 顧我平生非俗客豸冠此日清流好將仙簪

姓名收他年勲業了準擬卜菟裘

秋半入武夷山

金縷衣

鄭 黻

秋半虹橋路足曾孫幾塵風幸 人生一世釋曰一劫道曰一  
塵 此生奇遇天上人間同宴集仙樂風飄處七遍紛紛非  
烟非霧光近玉皇顏咫尺其歡呼釐抃霞觴舉高會散碧雲暮  
至今瑞鶴猶能舞幾千年同亭祠下賽神簫鼓再拜乞靈三  
奠酒小駐霓旌容與半隱約如傳好語為送維魚來入夢向龍  
潭時灑紛七雨齊和曲踏歌去聽賓雲遺曲

武夷書懷

沁園春

章 凱

過了秋風梅花漸開山人好歸問近來何事半成迂濶半添疎  
懶半帶憨癡學劍不成學書無味却要尋仙訪武夷這些事莫



粗忒煞恁是難爲 分明說與人知老谷子胸中事儘奇有真  
爐真鼎龍盤虎繞真離真坎免走烏飛待辦數椽山中穩坐却  
向無中生箇兒休輕笑看他華表鶴有來時

題太虛巖

蝶戀花

明邱四可

古壑流連尋趣步浙瀝泉飛寒石留雲護數椽曲房羅翠霧幽  
懷可是人能悟 風月江山懸客慕爲惜芳年聊取柔腸付從  
昔金蘭多陌路而今管鮑休相誤

九曲溯游

鶯啼序

國朝吳應聘

攬勝興懷泛扁舟武夷深曲萬年宮古木蕭森掩映水光澄綠  
空山裏風籟泉聲幔亭嵐氣浮幽谷湖流波蕩漾且休把遊情  
促 翰墨巖前題詩石畔買地營香國亭亭玉女銷魂也覓鏡

臺春雲簇又何羨華池初浴洞口三五醪咲指那百丈巖懸仙  
家機軸 劍石分流釣磯橫砥潭水清如玉仙井喊泉空歸去  
值龍卧方熟隱屏山雲平林烟雨堪描寫米家一幅飛瀑溜崖  
聲斷續憑仙掌閨中記取數古今遊人笑他風塵碌碌 鼓樓  
遺響陷石劫灰今已成幻局何似白雲深處石鼓敲風天壺醉  
月無拘燕東但尋星渚訪桑麻渡草橋過看松菊此便是桃源  
堪信猶無煩更覓仙靈洞口迷津徘徊山麓

武夷懷古

多麗

碧霞天秋山處處鳴蟬憶幔亭當年簫鼓於今蔓草荒烟幽澗  
底泉流碎玉高崖畔濕洒哀弦禮斗壇空并眞洞杏只聽得鶴  
唳猿咽晦翁祠架木其瓌憑吊一淒然到不如緇堂羽院過客



尚流連 長嘆息 舳藏深壑幾經陵谷變遷仰大王雄風未墜  
看玉女秀色堪憐鐵笛停吹金雞罷唱虹橋飛斷白雲邊空遺  
却藥爐丹鼎曾見皇姥子騫移短櫂歌一曲也漫擬懷仙 此

兩詞書於武夷宮御書閣壁間姓名後記云時康熙壬戌  
余年七十有五

夷武山志卷之二十四終



